

五

倫

書

五倫書卷之二十七

漢州孫通說高祖徵魯諸生共起朝儀。帝曰：得無難乎？通曰：五帝異樂，三王不同禮。禮者，因時世人情，為之節文者也。臣願采古禮與秦儀雜就之。帝曰：可。試為之度。吾所能行者，通遂與所徵魯諸生及帝左右，與其弟子百餘。

人爲綿蕞野外習行之。月餘言於帝曰。可試觀矣。帝使行禮曰。吾能爲此。乃令羣臣習肄。趙憲光武崩。受遺詔典喪禮。是時藩王皆在京師。自王莽篡亂。舊典不存。皇太子與東海王等雜止同席。憲章無敘。憲乃正色橫劔。殿階扶下諸王。以明尊卑。時藩國官屬出入宮省。與百僚無別。憲乃表奏。謁者將護分止他縣。諸王並令就邸。唯朝晡入臨。整禮儀。嚴門衛。內外肅然。

晉華恒元帝時拜太常。議立郊祀。尚書刁協國子祭酒杜彛議。須還洛乃脩郊祀。恒議。漢獻帝居許。即便郊祭。宜於此脩立。司徒荀組。驃騎將軍王導同恒議。遂立郊祀。

唐唐紹中宗時為太常博士。韋后請妃公主命婦以上葬。給鼓吹。詔可。紹言鼓吹本軍容。黃帝戰涿鹿。以為警衛。故曲有靈變。吼鵠鶚。爭石墜崖。壯士怒之類。惟功臣詔葬。得兼用之。男子有四方功。所以加寵。雖郊祀天地。亦不

參設容得接閨闔哉

賈曾為諫議大夫。睿宗即位。將有事於南郊。曾議曰。祭法有虞氏禘黃帝而郊嚳。夏后氏禘黃帝而郊鯀。郊之與廟皆有禘也。禘於廟則祖宗合食於太祖。禘於郊則地祇群望皆合於圓丘。以始祖配享。蓋有事之大祭。非常祀也。三輔故事。祭于圓丘。上帝后土位皆南面。則漢嘗合祭矣。時以曾言為然。

張九齡為左拾遺。玄宗即位。未郊見。九齡建

言天。百神之君。王者所由受命也。不以德澤
未洽。年穀未登。而闕其禮。昔者周公郊祀后
稷。以配天。謂成王幼冲。周公居攝。猶用其禮。
明不可廢也。漢丞相匡衡曰。帝王之事。莫重
乎郊祀。董仲舒亦言。不郊而祭山川。失祭之
序。逆於禮。故春秋非之。陛下紹休聖緒。于今
五載。而未行大報。考之于經義。或未通。願以
迎日之至。升紫壇。陳采席。定天位。則聖典無
遺矣。

宋陳靖直史館。淳化四年正月。太宗以南郊禮成。大宴含光殿。靖上言。古之饗宴者。所以省禍福而觀威儀也。伏見近年內殿錫宴。群臣當坐於朵殿兩廊者。拜舞方畢。趨馳就席。品列之序。糾紛無別。及至尊舉爵。群臣起立。先後不整。俯仰失節。喧譁過甚者。並令糾舉。從之。

李至。太宗時為秘書監。言五郊迎氣之日。皆祭逐方嶽鎮海瀆。自兵亂後。有不在封域。

者遂闕其祭。國家克復四方。間雖奉詔特祭。未著常祀。望遵舊禮。就迎氣日各祭於所隸之州。長吏以次為獻官。詔施行之。

孫固為少府監。時神宗議尊僖祖為始祖。固曰。漢高以得天下與商周異。故太上皇不得為始封。光武中興。不敢祖春陵而祖高帝。宋有天下。傳之萬世。太祖功也。不當替其祀。請以為始祖。而為僖祖別立廟。禘祫之日。奉其桃主。東向以伸其尊。合所謂祖以孫尊。孫以

五倫書卷二十一
祖屈之意。韓琦見而嘆曰。孫公此議。是以不
朽矣。

程頤為崇政殿說書。神宗之喪未除。而百官
以冬至表賀。頤言。節序變遷。時思方切。請改
賀為慰。及除喪。有司將以開樂置宴。頤又奏。
請罷宴。曰。除喪而用吉禮。則因事用樂可矣。
今特設宴。是喜之也。

元。拜住。英宗時為中書左丞相。初世祖始立太
廟於大都。親享之禮未暇。講肄。拜住奏曰。古

云禮樂百年而後興。郊廟祭祀此其時矣。帝
悅曰。朕能行之。至治二年春正月。孟享始備。
法駕設黃麾大仗。帝服通天冠。絳紗袍。出自
崇天門。致齊大次。行酌獻禮。升降周旋。儼若
素習。中外肅然。明日還宮。鼓吹交作。萬姓聳
觀。拜住率百僚稱賀於大明殿。執事之臣賜
金帛有差。

吳澄。英宗至治末。詔作太廟。議者習見同堂
異室之制。乃作十三室。未及遷奉而國有大

故有司疑於昭穆之次。命集議之。澄議曰。世祖混一天下。悉考古制而行之。古者天子七廟。廟各為宮。太祖居中。左三廟為昭。右三廟為穆。昭穆神主各以次第遷。其廟之宮。頗如今之中書六部。夫省部之設。亦倣金宋。豈以宗廟序次而不考古乎。

劉聞至正間為太常博士。順帝將南郊。告祭太廟。至寧宗室。問曰。朕寧宗兄也。當拜否。聞對曰。寧宗雖弟。其為帝時。陛下為之臣。春秋

時魯閔公弟也。僖公兄也。閔公先為君。宗廟之祭未聞僖公不拜。陛下當拜。帝乃拜。

國朝崔亮為禮部尚書。奏言禮所以辯上下。防奢僭也。今喪葬之禮。自公侯卿大夫至於士庶各有等第。然其間儀制上得以兼下。下不得以僭上。力雖有餘。不許過度。力不及者。稱家有無。不拘常例。朝廷從其言。

典銓

三國魏毛玠初為曹操東曹掾。典選舉。其所舉

用皆清正之士。雖於時有盛名而行不由本者。終莫得進。務以儉率人。由是天下之士莫不以廉節自勵。雖貴寵之臣。輿服不敢過度。陳群為吏部尚書。文帝延康元年。以當時選用不盡人才。乃立九品官人之法。州郡皆置中正。以定其選擇。州郡之賢有識鑒者為之區別人物。第其高下。又制郡口十萬以上。歲察一人。其有秀異。不拘戶口。其武官之選。俾護軍主之。

晉山濤武帝咸寧初為尚書僕射加侍中領吏部居選部十餘年每一員缺輒啓擬數人隨帝意所欲為濤所奏甄拔人物各為品題前後選舉周徧內外並得其才時稱山公啓事北齊辛術為吏部尚書自魏遷鄴以來典選之職知名者數人互有得失袁孝德沉密謹厚所傷者細楊愔風流辯給取士失於浮華唯術性尚貞明取士必以才器循名責實新舊叅舉管庫必擢門閥不遺考之前後最為折

衷

梁徐勉為吏部尚書。雖文案填積。坐客充滿。而
應對如流。手不停筆。嘗與門人夜集。客求官。
勉正色曰。今夕止可談風月。不宜及公事。時
人咸服其無私。

隋牛弘為吏部尚書。其選舉。先德行而後文才。
務在審慎。雖致停緩。時進用多稱。侍郎高孝
基鑒賞機悟。清慎絕倫。然爽俊有餘。迹似
輕薄。時宰多以此疑之。惟弘深識其真。推心

委任。隋之選舉。於斯為最。

唐裴行儉有人物之鑒。凡遇賢俊無不甄擇。高宗時為檢校司列少常伯。以選人益多。總章二年始與貞外郎張仁緯設長名姓。應榜引銓注之法。又定州縣升降官資高下。其後遂為永制。無能革之者。大畧唐之選法。取人以身言書判計資量勞而擬官。五品以上不試六品以下始集而試。觀其書判已試而銓。察其身言已銓而注。詢其便利已注而唱。集眾

告之然後類以為甲。先簡僕射。乃上門下省。
給事中讀之。侍郎省之。侍中審之。不當者駁。
下。既審然後上聞。主者受旨奉行。各給以符。
謂之告身。凡試判登科謂之入等。甚拙者謂
之藍縷。選未滿而試文三篇謂之宏辭。試判
三條謂之拔萃。中者即授官。兵部武選亦然。
課試之法。以騎射及翹關。翹關長丈七尺。徑
三寸半。凡十舉。後

手持關頭出
處無過一尺

負米。其黔中。嶺南。閩中。州縣官

不由吏部。委都督選擇土人補授。凡居官以

年為考。六品以下。四考為滿。

魏玄同。高宗時為吏部侍郎。上言銓選之弊。以為人君之體。當委任而責成功。所委者當則所用者。自精矣。故周穆王命伯冏為太僕。正曰慎簡乃僚。是使群司各自求其小者。而天子命其大者也。乃至漢氏得人。皆自州縣補署。五府辟召。然後升於天朝。自魏晉以來。始專委選部。夫以天下之大。士人之衆。而委之數人之手。用刀筆以量才。案簿書而察行。

借使平如權衡明如水鏡猶力有所極照有所窮況所委非人而有愚暗阿私之弊乎顧畧依周漢之規以救魏晉之失

宋璟為吏部尚書李乂盧從愿為侍郎舊制三品以上官冊授五品以上制授六品以下敕授皆委尚書省奏擬文屬吏部武屬兵部尚書曰中銓侍郎曰東西銓中宗之末選舉渾淆無復綱紀至是璟等皆不畏彊禦請謁路絕集者萬餘人留者三銓不過千人服

其公

姜晦開元中為吏部侍郎主選曹先是吏請託為茲領選者周棘藩扈內外猶不禁晦至悉除之示無防限處事精明其私相屬諉者輒發覺皆以為神由是賊賕路塞而流品有敘

崔祐甫德宗時拜中書侍郎初元載用事非賄謝不與官刻塞公路網紀大壞載誅楊綰相未幾卒常袞當國懲其弊凡奏請一杜絕

之。惟文辭入第。乃得進。然無所甄異。賢愚同
滯焉。帝即位。首用祐甫。薦舉惟其人。不自疑
畏。推至公以行。未踰年。除吏幾八百員。莫不
諧允。帝嘗謂曰。人言卿擬官多親舊。何邪。對
曰。陛下令臣進擬庶官。夫進擬者。必悉其才
行。如不與聞。知何由得其實。帝以為然。

宋趙普事太祖為相。嘗欲除某人為某官。不合
帝意。不用。明日復奏之。又不用。明日又奏之。
帝怒。取其奏壞裂投地。普顏色自若。徐拾奏

歸補綴。明日復進之。帝悟。用之。果稱

魯宗道嘗言於真宗曰。守宰去民近而無以區別能否。今除一守令。雖資材低下。而考任應格。則左司無擯斥。故天下親民者黷貨害政。十常二三。欲裕民而羨化。不可得矣。漢宣帝除刺史守相。必親見而考察之。今守佐雖未暇親見。宜令大臣延之中書。詢考以言。察其應對。設之以事。觀其施為。才不肖皆得進退之。吏部之擇縣令。放此。庶得良守宰。宣助

聖化矣。帝納之。及仁宗時。判吏部流內銓。在選調久。患銓格煩密。及知吏部。所以為姦狀多。釐正之。悉揭科條。庶下人便之。

呂夷簡。仁宗時當國。關中薦長安布衣雷簡夫才器可任。遽命賜對於便殿。簡夫辯給善敷奏。條列西事甚詳。帝嘉之。即降旨中書令檢真宗各種故事。夷簡為帝言曰。臣觀士大夫有口才者。未必有實效。今遽爵之以美官。異時用有不周。即難於進退。莫若且除一小

官。徐觀其能。遷擢未晚。帝然之。遂除耀州幕
官。簡夫後累官至員外郎三司判官。而才實
無大過人者。

王曾。仁宗時拜右僕射兼門下侍郎平章事。
曾進退士。人莫有知者。范仲淹嘗問曾曰。明
揚士類。宰相之任也。公之盛德。獨少此耳。曾
曰。夫執政者。思欲歸己。怨使誰歸。仲淹服其
言。

杜衍。仁宗時為御史中丞。兼判吏部流內銓。

選補科格繁長。主判不能悉閱。吏多受賕。出
縮為姦。行既視事。即敕吏上銓法。問曰。盡乎。
曰。盡矣。力閱視。具得本末曲折。明日。令諸吏
無得升堂。各坐曹廳。行文書。銓事悉自予奪。
由是吏不能為姦利。數月。名動京師。

王夔判吏部流內銓。號為稱職。而於選法未
嘗有所更易。人問之。質曰。選法具備。如權衡
在執政者。不欺其輕重耳。何必屢更其法。
蘇頌判尚書吏部。無詳定官制。唐制吏部主

文選。兵部主武選。神宗謂三代兩漢本無文武之別。議者不知所處。頌言唐制吏部有三銓之法。分品秩而掌選事。今欲文武一歸吏部。則宜分左右曹掌之。每選更以品秩分治。於是吏部始有四選法。頒前後掌四選五年。吏不得以逞。而選官多感德。其不得所欲者。亦心服而去。

陳俊卿。孝宗時為尚書右僕射同平章事。俊卿以用人為己任。所除吏皆一時之選。獎廉

退抑奔競。或才可用。資應淺。密薦於上。未嘗語人。每接朝士。及牧守自遠至。必問以時政得失。人才賢否。虞允文宣撫四川。俊卿薦其才堪相。帝乃召允文為右相。以後卿為左相。元張思明拜中書參知政事。時淳屠妙總統有寵於仁宗。勅中書官其第五品。思明執不可。帝大怒。召見切責之。思明對曰。選法天下公器。徑路一開。來者雜遝。故寧違旨。獲戾。不忍隳祖宗成憲。使四方得窺陛下淺深也。帝心

然其言而業已許之曰。卿可姑與之。後勿為
例。乃以為萬億庫提舉。不與散官。

考課

晉杜預為河南尹。以黜陟之課奏之武帝曰。古
者黜陟擬議於心。不於法。末世不能紀遠而
專求密微。疑心而信耳目。疑耳目而信簡書。
簡書愈繁。官方愈偽。魏氏考課。即京房之遺
意。其文可謂至密。然失於苛細。以違本體。故
歷代不能通也。豈若申唐堯之舊制。取大舍

小。去密就簡。俾之易從也。夫曲盡物理。神而明之。存乎其人。去人而任法。則以文傷理。莫若委任達官。各考所統。歲第其人。言其優劣。如此六載。主者總集採案。其六歲處優舉者。超擢。六歲處劣舉者。奏免。優多劣少者。敘。劣多優少者。左遷。今考課之品。所對不鈞。誠有難易。主者固當準量輕重。微加降殺。不足復曲以法盡也。其有優劣徇情不叶公論者。當委監司隨而彈之。若令上下公相容過。此為

清議大類雖有考課之法亦無益也

唐盧承慶貞觀初為民部侍郎兼檢校兵部侍郎知五品選嘗校百官考有坐漕舟溺者承慶以失所載考中下以示其人無愠色更曰非力所及考中中亦不喜承慶嘉之曰寵辱不驚考中上一時稱之

趙宗儒德宗時為司勳員外郎領考功事自至德後考績失實內外悉考中上殿最混淆至宗儒黜陟詳當無所回憚右司郎中獨孤

良器殿中侍御史杜倫以過黜考左丞裴郁御史中丞盧佑降考中中凡入中上者纔五十人上聞而善之進考功郎中

宋雷德驤以戶部郎中典考校京朝官將命出入及秩滿受代歸闕事太宗嘗欲擇人為河北轉運使患不能徧識其才德驤具群臣功過之跡引與俱對於是下之賢否莫隱

五倫書卷之二十七

五倫書卷之二十八

周樊穆仲事宣王。宣王欲得國子之能導訓諸侯者。穆仲曰。魯侯孝。王曰。何以知之。對曰。肅恭明神。而敬事耆老。賦事行刑。必問於遺訓。而咨於故實。不干所問。不犯所咨。王曰。然則能訓治其民矣。乃命魯孝公於夷宮。

列國齊管仲用鮑叔牙之薦為相因言於桓公
曰墾田大邑辟土生粟盡地之利臣不若甯
戚請置以為大田登降辭讓進退閑習臣不
若隰朋請置以為大行蚤入晏出犯顏進諫
以忠不避死亡不重貴富臣不若東郭牙請
置以為大諫平原廣城車不結轍士不旋踵
鼓之而三軍之士視死如歸臣不若王子城
父請置以為大司馬決獄折中不殺不辜不
誣無罪臣不若弦章請置以為大理君若欲

理國彊兵。則五子者是矣。君若欲霸王。則夷
吾在此。於是桓公命五子皆任其事。而以管
仲任國事。遂九合諸侯。一匡天下。齊桓以霸。
管仲之力也。及仲有病。桓公問之曰。仲父不
幸而至於大病。則寡人惡乎屬國。仲曰。公誰
欲歟。公曰。鮑叔牙可。仲曰。不可。其為人潔廉
善士也。其於不已若者。不比之。一聞人之過。
終身不忘。使之理國。上且鈞乎君。下且逆乎
民。公曰。然則孰可。對曰。勿已。則隰朋可。其為

人也。上忘而下不叛。愧其不若黃帝而哀不
己者。以德分人。謂之聖人。以財分人。謂之
賢人。以賢臨人。未有得人者也。以賢下人。未
有不得人者也。其於國有不問也。其於家有
不見也。勿已則隰朋可。然則管仲非薄鮑叔
也。不得不薄。非厚隰朋也。不得不厚。

晉咎犯事文公。公問曰。誰可使為西河守者。
咎犯對曰。虞子羔可也。公曰。非汝之讎耶。對
曰。問可為守者。非問臣之讎也。子羔見咎犯。

而謝之曰。幸赦臣之過。薦之於君。得為西河守。咎犯曰。薦子者公也。怨子者私也。吾不以私事害公義。子其去矣。

祁奚為大夫。請老。晉君問曰。孰可使嗣。祁奚對曰。解狐可。君曰。非子之讎耶。對曰。君問可。非問讎也。晉君遂舉解狐。後又問孰可以為國尉。祁奚對曰。午也可。君曰。非子之子耶。對曰。君問可。非問子也。君子謂祁奚外舉不避仇讎。內舉不回親戚。可謂至公矣。

趙武為晉大夫喜薦賢叔向稱之曰趙武之
為人也立若不勝衣言若不出口然其身舉
士於白屋下者四十六人皆得其意而公家
甚賴之及武之死也四十六人皆就賓位是
其無私也

解狐與荆伯抑為怨簡子問於狐曰孰可以
為上黨守對曰荆伯抑可簡子曰非子之讎
乎對曰臣聞忠臣舉賢不避仇讎其廢也不
阿親近簡子曰善遂以荆伯抑為守

楚令尹虞丘子復於莊王曰。臣為令尹十年矣。國不加治。獄訟不息。處士不升。淫禍不討。久踐高位。妨群賢路。尸位素餐。貪欲無厭。臣之罪當稽於理。臣竊選國俊下里之士曰孫叔敖。秀羸多能。其性無欲。君舉而授之政。則國可使治。而士民可使附。莊王曰。子輔寡人。得以長於中國。今行於絕域。遂霸諸侯。非子如何。虞丘子曰。久固祿位者。貪也。不進賢能者。誣也。不讓以位者。不廉也。不能三者。不忠。

也。為人臣不忠君王。又何以爲忠臣。顏固辭。
莊王從之。賜虞丘子采地三百。號曰國老。以
叔敖爲令尹。少焉虞丘子家干法。叔敖執而
戮之。虞丘子喜。入見於王曰。臣言叔敖果可
使持國政。奉國法而不黨。施刑戮而不骫。郢
切。可謂公平。莊王曰。夫子之賜也。

魏李克事文侯。文侯且置相。召克問曰。寡人
將置相。魏成與翟璜孰可。克曰。居視其所親。
富視其所與。達視其所舉。窮視其所不爲。貧

視其所不取。五者足以定之矣。文侯曰。先生就舍。寡人之相定矣。克出過璜。璜問曰。吾聞君召卜相。果孰為之。克曰。魏成。璜作色不悅。曰。璜何遽不為相乎。西河之守。璜所任也。計事內史。璜所任也。王欲攻中山。吾進樂羊。無使治之。臣。吾進先生。無使傅其子。吾進屈侯附。君內以鄴為憂。吾進西門豹。璜何負於魏成。克曰。不如魏成。魏成食采千鍾。什九居外。是以東得卜子夏。田子方。段干木。彼其所舉。

人主之師也。子之所舉。人臣之才也。璜迨然而慙曰。璜失對於先生。請自脩然後學。

子思居衛。言苟變於衛。君曰。變之才可將。五百乘。君任軍旅得此人。則可無憂於敵矣。衛君曰。吾知其才可將。然變也。嘗為吏賦於民而食人二雞子。以故弗用也。子思曰。夫聖人用人。猶匠之用木。取其所長。棄其所短。故杞梓連抱而有數尺之朽。良工不棄。以其所妨者細也。今君處戰國之世。選爪牙之士。而以

二邠棄千城之將。此不可使聞於隣國。於是衛君再拜曰。謹受教矣。

秦百里奚爲大夫。嘗告繆公曰。臣不及臣友蹇叔。蹇叔賢。世莫知。臣嘗游困於齊而乞食。餒人。蹇叔收臣。臣因欲事齊君。無知。蹇叔止之。臣得脫齊難。遂之周。周王子頹好牛。臣以養牛干之。及欲用臣。蹇叔止之。臣去得不誅。臣事虞君。蹇叔止臣。臣知虞君不用。誠貪利祿爵。且留。用其言得脫。不用及於難。是以知

其賢。於是繆公使人厚幣迎蹇叔。以為上大
夫。

漢蕭何從漢王之南鄭。韓信初歸漢。王未之奇。
信怨不能用。遂亡。何聞信亡。不及以聞。自追
之。二日乃還。王謂何曰。若亡。何也。何曰。臣非
敢亡。追韓信耳。王曰。諸將亡者以十數。公無
所追。追信詐也。何曰。諸將易得。至如信。國士
無雙。王必欲長王漢中。無所事信。必欲爭天
下。非信無可與計者。王從之。拜信為大將軍。

魏無知事漢王陳平自楚亡歸漢因無知求
見王乃拜平為都尉或讒平曰平雖美如冠
玉其中未必有也況平嘗事魏不容亡歸楚
不中又亡歸漢平反覆亂臣也願王察之王
疑之召讓魏無知無知曰臣所言者能也大
王所問者行也楚漢相距臣進奇謀之士誠
足以利國家事耳王乃拜平為護軍中尉諸
將乃不敢復言

田叔為漢中守文帝初立召叔問曰公知天

下長者乎。對曰：臣何足以知之。帝曰：公長者，宜知之。叔頓首曰：故雲中守孟舒，長者也。是時孟舒坐虜大入雲中，免。帝曰：先帝置孟舒雲中十餘年矣，虜嘗一入，孟舒不能堅守，士卒戰死者數百人。長者固殺人乎？叔叩頭曰：夫貫高等謀反，天子下明詔，有敢隨張王者，罪三族。然孟舒自髡鉗，隨張王，以身死之，豈自知為雲中守哉？漢與楚相距，士卒罷敝，而匈奴冒頓新服，北夷來為邊寇，孟舒知士卒

罷救不忍出言。士爭臨城死敵。如子為父。以
故死者數百人。孟舒豈毆之哉。是乃孟舒所
以為長者。於是帝賢孟舒。復召為雲中守。
吳公為河南守。聞洛陽人賈誼年十八能誦
詩書屬文。召至門下。甚愛之。文帝初立。聞吳
公治平為天下第一。徵以為廷尉。吳公乃言
誼年少。頗通諸家之書。文帝召以為博士。一
歲中。超遷為太中大夫。
暴勝之。武帝時為繡衣御史。持斧逐捕盜賊。

以軍興從事誅二千石以下。勝之過被陽。欲
斬令王訢。訢已解衣伏質。仰言曰。使君專殺
生之柄。威震郡國。今復斬一訢。不足以增威。
不如時有所寬。以明恩貸。令盡死力。勝之壯
其言。貫不誅。因與訢相結厚。勝之使還。薦訢
徵為右輔都尉。守右扶風。勝之東至渤海。聞
郡人雋不疑賢。遣吏請與相見。不疑因言曰。
凡為吏。太剛則折。太柔則廢。威行施之以恩。
然後對功揚名。永終天祿。勝之知不疑非庸

人敬納其戒。深接以禮。遂表薦不疑。徵詣公車。拜為青州刺史。

王鳳成帝時為大將軍。以執金吾辛慶忌坐事左遷酒泉太守。鳳薦之曰。慶忌前在張掖。酒泉兩郡著功迹。徵入應位朝廷。莫不信向。質行正直。仁勇得衆心。通於兵事。明畧威重。任國柱石。臣鳳不宜久處慶忌之右。帝乃復徵慶忌為光祿大夫。執金吾。

谷永成帝時為尚書。薦薛宣曰。竊見少府宣

材茂行潔。達於從政。有退食自公之節。寡私黨遊說之助。臣恐陛下忽於羔羊之詩。捨功實之臣。任華虛之譽。是用越職陳宣行能。唯願留神考察。帝然之。遂以宣為御史大夫。陳寵和帝時為廣漢太守。舉王渙為功曹。當職割斷。不避豪右。寵風聲大行。入為大司農。帝問曰。在郡何以為理。寵頓首謝曰。臣任功曹王渙以簡賢選能。主簿鍾顯拾遺補闕。臣奉宣詔書而已。帝大悅。渙顯由此顯名。

虞詡順帝時為尚書僕射。以左雄有忠公節。上疏薦之於帝曰。伏見議郎左雄。數上封事。至引陛下身遭危難。以為警戒。實有王臣蹇蹇之節。宜擢喉舌之官。必有匡弼之益。由是拜雄尚書。

左雄為尚書令。薦冀州刺史周舉為尚書。既而雄為司隸校尉。舉故冀州刺史馮直任將帥。直嘗坐贓受罪。舉以此劾奏雄。雄曰。詔書使我選武猛。不使我選清高。舉曰。詔書使君

王倫書卷二十八
選武猛。不使君選貪汙。雄曰。進君適所以自
伐也。舉曰。昔趙宣子任韓厥為司馬。厥以軍
法戮宣子僕。宣子謂諸大夫曰。可賀我矣。吾
選厥也。任其事。今君不以舉之不才。誤升諸
朝。不敢阿君以為君羞。不寤君之意與宣子
殊也。雄悅。謝曰。吾嘗事馮直之父。又與直善。
今公以此奏吾。是吾之過也。天下益以此賢
之。

陳蕃。胡廣。事桓帝。上疏薦徐穉等曰。臣聞善

人天地之紀治之所由也。伏見處士豫章徐
穉彭城姜肱汝南袁闕京兆韋著潁川李曇
德行純備著於民聽。若使擢登三事。協亮天
工。必能翼宣盛義。增光日月。帝乃以安車玄
纁徵之。

鍾皓。桓帝時為郡功曹。太丘長陳寔為西門
亭長。皓深敬異。寔少皓十七歲。常禮待與同
分義。會辟公府。臨辭。太守問誰可代君。皓曰。
明府欲必得其人。西門亭長可用。寔聞之曰。

鍾君似不察人。不知何獨識我。

田歆為河南尹。歆甥王湛名知人。歆謂之曰。今當舉孝廉。欲得一名士以報國家。時洛陽種暘為縣門下史。明日湛白歆曰。為尹得孝廉矣。近洛陽門下史也。歆笑曰。當得山澤隱滯。近洛陽史邪。湛曰。山澤不必有異士。異士不必在山澤。歆召暘於庭。辯詰職事。暘辭對有序。歆甚知之。遂舉孝廉。

三國蜀。諸葛亮留軍漢中。叅軍蔣琬為長史。亮

數外出。琬常足食足兵以相供給。亮每言琬
托志忠雅。當與吾共贊王業者也。密表後主
曰。臣若不幸。後事宜以付琬。亮卒。後主以琬
為尚書令。○初。龐統以從事守耒陽。令不治
免官。吳魯肅遺先主書曰。龐士元非百里之
才。使處治中別駕之任。始當展其驥足耳。亮
亦言之於先主。召見與語。大器之。乃以為治
中從事。親待亞於亮。

魏桓範。文帝時為羽林左監。薦尚書徐宣曰。

宣體忠厚之行。秉直亮之性。清雅特立。不隨世俗。確然難動。社稷之節。今僕射缺。宣行掌後事。腹心任重。莫如宣者。帝遂以宣為右僕射。

盧毓。明帝時為吏部尚書。帝問誰可為司徒者。對曰。敦篤至行。則太中大夫韓暨。亮直清方。則司隸校尉崔林。貞固純粹。則太常常林。帝乃以暨為司徒。

吳呂蒙稱疾詣建業。孫權問誰可代卿者。蒙

對曰。陸遜意思深長。才堪負重。觀其規慮。終可大任。而未有遠名。若用之。當令外自韜隱。內察形便。然後可克。權乃召遜。拜偏將軍右部都督代蒙。

晉山濤。武帝時掌選。嵇紹早孤。事母孝謹。以父得罪。靖居私門。濤啓帝曰。康誥有言。父子罪不相及。嵇紹賢侔。卻缺。宜加旌命。請為秘書郎。帝謂濤曰。如卿所言。乃堪為丞。何但郎也。遂徵為秘書丞。

劉弘為鎮南將軍都督荊州諸軍事。時弘欲以牙門將皮初為襄陽太守。朝廷以初雖有功。襄陽名郡。名器宜慎。不可授初。乃以前東平太守夏侯陟為襄陽太守。陟弘之壻也。弘下教曰。夫統天下者。宜與天下同心。化一國者。宜與一國為任。若必姻親然後可用。則荊州十郡。安得十女壻。然後為政哉。乃表陟姻親。舊制不得相監。皮初之勲。宜見酬報。詔以為襄陽太守。

謝安武帝太元二年詔求文武良將可以鎮
禦北方者。安以兄子玄應詔。郝超聞之歎曰。
安之明。乃能違衆舉親。玄之才。足以不負所
舉。

南陳徐陵宣帝太建中為尚書左僕射。抗表固
辭。而推周弘正。王勵。張種。帝召入內殿曰。卿
何為固辭而舉人乎。陵曰。弘正舊藩長史。王
勵相府長史。張種帝鄉賢戚。若選賢舊臣。宜
居後。固辭累日。乃奉詔。及朝議北侵。帝命舉

元帥。衆議在淳于量。陵獨曰不然。吳明徹家在淮左。悉彼風俗。將畧人才。當今無過之者。於是爭論數日。不能決。都官尚書裴忌曰。臣同徐僕射。陵應聲曰。非但明徹良將。忌即良副也。是日詔明徹為大都督。令忌監軍事。遂克淮南數十州。帝因置酒舉杯屬陵曰。賞卿知人。

隋楊素。文帝開皇中。華陰多盜賊。妙選長史。素薦榮毗為華州長史。世號為能。素之田宅多

在華陰。左右放縱。毗以法繩之。無所寬貸。毗因朝集。素謂之曰。素之舉卿。適以自罰也。毗荅曰。奉法一心者。但恐累公所舉。素笑曰。前言戲之耳。卿之奉法。素之望也。

李綱為太子洗馬。顏師古少博覽精學。善屬文。綱薦之。授安養尉。尚書左僕射楊素見其年弱。謂曰。安養劇縣。子何以治之。師古曰。割鷄焉。用牛刀。素驚其言大。後果以幹治聞。

唐房玄齡太宗為秦王時。即授府記室。時府屬

多外遷。王患之。玄齡曰。去者雖多。不足吝。杜如晦。王佐才也。大王若終守藩。無所事。必欲經營四方。捨如晦。無共功者。王驚曰。非公言。我幾失之。因表留。幙府從征伐。常參帷幄機秘。方多事。裁處無留。僚屬才之。

婁師德嘗薦狄仁傑於武后。及仁傑與師德同輔政。數擠令外使。后覺。問仁傑曰。師德賢乎。對曰。為將謹守。賢則不知也。又問知人乎。對曰。臣嘗同僚。未聞其知人也。后曰。朕用卿。

師德薦也。誠知人矣。出其奏。仁傑慙已而歎曰。婁公盛德。我為所容。乃不知吾不逮遠矣。狄仁傑事武后。后嘗問仁傑欲得一佳士用之。誰可者。仁傑曰。未審陛下欲何所用之。武后曰。欲為將相。仁傑對曰。文學縕藉。則蘇味道。李嶠固其選矣。必欲取卓犖奇才。則有荊州長史張柬之。其人雖老。宰相才也。武后擢柬之為洛州司馬。數日又問。仁傑對曰。前薦柬之。尚未用也。武后曰。已遷矣。對曰。臣所薦

者可為宰相。非司馬也。乃遷秋官侍郎。卒用為相。仁傑又嘗薦夏官侍郎姚元崇。監察御史曲阿桓彥範。太州刺史敬暉等數十人。率為名臣。或謂仁傑曰。天下桃李悉在公門矣。仁傑曰。薦賢為國。非為私也。

張循憲以御史出使。還次蒲州驛。使務有不決者。意頗病之。問驛吏曰。此有客乎。驛吏以張嘉貞對。時嘉貞自平鄉尉免歸。人莫知者。循憲召與相見。咨以使事積時凝滯者。嘉貞

隨機應之。莫不豁然。乃命草奏。又出意外。他日武后以問。循憲具以實對。因請以已官讓與之。武后曰。卿能讓賢。朕豈無一官自進賢耶。乃召見內殿。奏對侃侃。后異之。遂拜監察御史。

蘇良嗣。高宗時為雍州長史。韋安石舉明經。調乾封尉。良嗣器之。永昌元年。遷雍州司兵參軍。良嗣當國。謂安石曰。大才當大用。徒勞州縣可乎。薦于武后。擢膳部員外郎。遷并州

司馬有善政

劉憲為太僕少卿兼脩文館學士遷太子詹事。時玄宗在東宮。雅意文史。憲啓曰。殿下位副君。有絕人之才。非以尋章摘句。要通大意而已。侍讀褚無量經明行脩者。年宿望宜數召問。以察其言。太子順納。

張說喜推藉後進。善用人之長。多引天下知名士以佐佑王化。粉澤典章。成一王法。始知集賢院。嘗薦張九齡可備顧問。說卒。上思其

言。召為秘書少監。集賢院學士。

張嘉貞。玄宗時為相。性簡疏。與人不疑。內曠如也。有嗜進者。汲引之。能以恩終始。所薦中書舍人苗延嗣。呂太一。考功員外郎員嘉靜。殿中侍御史崔訓。皆位清要。日與議政事。故當時語曰。令君四俊。苗呂崔員。員音運

裴垪。憲宗時拜中書侍郎。加集賢殿大學士。監脩國史。垪為學士時。引李絳。崔群與同列。及相。又擢韋貫之。裴度。知制誥。李夷簡。御史

中丞皆踵躡為輔相。號名臣。自它選任。罔不精明。人無異言。故元和之治。百度脩舉。朝無倖人。

韋處厚為學士。敬宗嘗羞惋。歎宰輔非其人。使兇賊熾肆。處厚上疏曰。臣聞汲黯在朝。淮南寢謀。干木處魏。諸侯息兵。裴度元勳。臣德文武兼備。若位巖廊。委叅決。必使戎虜畏威。幽鎮自臣。管仲曰。人離而聽之則愚。合而聽之則聖。治亂之本。非有他術。陛下當饋而歎。

恨無蕭曹。今一裴度擯棄于外。所以馮唐知漢文帝有頗牧不能用也。帝感悟。謂處厚曰。度累為宰相。而官無平章事。謂何。處厚具道其由。帝於是復度兼平章事。

宋范質為宰相。奏太祖曰。臣聞為宰相者。當舉賢能以輔佐天子。端明殿學士呂餘慶樞密副使趙普精通治道。經事霸府。歷歲滋久。觀其公忠誠。堪毗倚。乞授以台司。俾申才用。帝嘉納。遂大用之。

賈黃中。太宗時拜給事中。叅知政事。素重呂
端為人。屬端出鎮襄陽。黃中力薦於帝。因留
為樞密直學士。遂叅知政事。當世文行之士
多黃中所薦引。而未嘗言人皆賢之。

呂蒙正。真宗時為相。帝嘗欲遣人使朔方。諭
中書選才而可責以事者。蒙正退以名上帝。
不許。他日三問。三以其人對。帝曰。卿何執邪。
蒙正曰。臣非執。蓋陛下未諒爾。固稱其人可
使。餘人不及。帝退。謂左右曰。蒙正氣量我不

如既而用之。果稱職。常以一夾袋自隨。中有冊子。每四方人替罷謁見。必問其有何人才。客去。隨即疏之。悉分門類。或有一人而數人稱之者。必賢也。朝廷求賢。取之囊中耳。後致政居洛。帝祀汾陰。回幸其宅。問曰。卿諸子孰可用。蒙正對曰。臣諸子皆豚犬。不足用。臣姪夷簡。任潁川推官。宰相才也。帝記其語。夷簡遂至大用。

王旦為相。公於用人。不以名譽。必求其實。其

所薦引人未嘗知。故叅知政事李穆子行簡有賢行。以將作監丞居于家。真宗召見慰勞之。遷太子中允。初遣使者召之。不知其所止。帝命至中書問旦。然後人知行簡旦所薦也。旦自知制誥至為相。薦士尤多。及病求罷。入見滋福殿。帝曰。朕方以大事托卿。而卿病如此。因命皇太子拜之。旦言皇太子盛德。必任陛下事。因薦可為大臣者十餘人。旦久疾不愈。帝命肩輿入禁中。使其子雍與直省吏扶

之。見於延和殿。帝曰。卿萬一有不諱。使朕以天下事付之誰乎。旦謝曰。知臣莫若君。時張詠馬亮皆為尚書。帝曰。張詠如何。不對。又曰。馬亮如何。不對。帝曰。試以卿意言之。旦強起舉笏曰。以臣之愚。莫如寇準。帝憮然。有間曰。準性剛褊。卿更思其次。旦曰。他人。臣不知。旦薨。歲餘。帝卒用準為相。

畢士安。真宗時。遷吏部侍郎。叅知政事。入謝。帝曰。未也。行且相。卿士安頓首。帝曰。朕倚卿。

以輔相豈特今日。然時方多事。求與卿同進者其誰可。對曰。宰相者必有其器。乃可居其位。臣材駑朽。實不足以勝任。寇準兼資忠義。善斷大事。此宰相才也。帝曰。聞其好剛使氣。對曰。準方正。慷慨有大節。忘身徇國。秉道疾邪。此其素所蓄積。朝臣罕出其右者。第不為流俗所喜。今天下之民。雖蒙休德。涵養安佚。而西北跳梁為邊患。若準者。正所宜用也。帝曰。然。

張詠守金陵。范延貴為殿直。押兵過金陵。詠因問曰。天使沿路來。曾見好官負否。延貴曰。昨過素州。萍鄉縣。邑宰張希顏者。雖不識之。知其好官負也。詠曰。何以言之。延貴曰。自入縣境。驛傳橋道皆完葺。田萊墾闢。野無惰農。及至縣。則廛肆無賭博。市易不敢誼爭。夜宿邸中。聞更鼓分明。以是知其必善政也。詠大笑曰。希顏善矣。天使亦好官負也。即日同薦於朝。希顏後為發運使。延貴亦為閤門祗候。

皆號能吏

王曾當國。屢薦呂夷簡。是時明肅太后聽政。曾奏曰。臣屢言夷簡才望可當政柄。而兩宮終未用。以臣度太后之意。不欲其班在樞密。使張旻之上耳。且旻一赤脚健兒。豈容妨賢如此。太后曰。固無此意。行且用夷簡矣。曾曰。兩宮既已許臣。臣請即命宣召學士草麻。太后從之。

晏殊平居好賢。當世知名之士如范仲淹。孔

道輔皆出其門。及為相。益務進賢才。而仲淹與韓琦富弼皆進用。至於臺閣一時之賢多殊所薦也。

韓琦在相位。所汲引多正直有名。或忠厚可鎮風俗。列侍從。備臺諫。以公議用之。多有未嘗識者。及罷相。帝問孰可以為執政者。琦力薦韓絳。忠直有公輔之器。帝遂用為樞密副使。既而有排毀絳者。帝曰。韓琦之去。惟薦此人。朕豈可違。又屢薦歐陽脩。而帝不用。他日

復薦之曰韓愈唐之名士天下望以為相而竟不用使愈為之未必有補於唐而談者至今以為謗歐陽脩今之韓愈也而陛下不用臣恐後之談者謗必及國不特臣輩而已陛下何惜不一試之以曉天下後世也帝從之孫抃為御史中丞薦唐介吳中復為御史人或問曰聞君未嘗與二人相識而遽薦之何也抃荅曰昔人恥呈身御史今豈求識面臺官後二人皆以風力稱於天下抃晚年執政

嘗歎曰。吾何功以輔政。惟薦二臺官無愧耳。
范仲淹知開封府。獻百官圖。指宰相差除不
公。而陰薦韓億可用。仲淹既貶。仁宗以諭億。
億曰。若仲淹舉臣以公。則臣之拙直。陛下所
知。舉臣以私。則臣委質以來。未嘗交託於人。
遂除叅知政事。

呂公著累乞致仕。仁宗倚眷之重。久之不允。
他日復叩於便殿。帝度其志不可奪。因詢之。
曰。卿果退。當何人可代公著。曰。知臣莫若君。

陸下當自擇。帝再三問之。公著遂引陳堯佐曰。陸下欲用英俊經綸之才。臣所不知。必欲圖任老成。鎮百度。周知天下良苦。無如陳某者。帝深然之。遂大拜。

富弼。神宗時為左僕射。門下侍郎同平章事。時王安石用事。雅不與弼合。弼度不能爭。多稱疾求退。章數十上。帝將許之。問曰。卿即去。誰可代卿者。弼薦文彥博。帝默然。良久曰。王安石何如。弼亦默然。

蘇軾元祐初三上章薦陳師錫。謂其學術淵源。行己潔素。議論剛正。器識靖深。德行追蹤於古人。文章冠絕於當世。乃擢為秘書省校書郎。

司馬光。哲宗時拜相。嘗薦劉安世充館職。因謂安世曰。知所以相薦否。曰。獲從公游舊矣。光曰。非也。光居間。是下時節。問訊不絕。光位政府。是下獨無書。此光之所以相薦也。范祖禹言於哲宗曰。呂希哲經術操行宜備。

勸講其父常稱為不欺暗室。臣以婦兄之故不敢稱薦。今方將引去。竊謂無嫌。詔以為崇政殿說書。

程頤為崇政殿說書。謂司馬光曰。經筵若得范淳夫來尤好。光曰。他已脩史。朝廷自擢用矣。頤曰。不謂如此。但經筵須要他。光問何故。荅曰。頤自度。乏溫潤之氣。淳夫色溫而氣和。尤可以開陳是非。導人主之意。其後除淳夫侍講。

張浚。高宗朝與趙鼎共政。多所推引。從臣朝
列皆一時望人。所薦虞允文。汪應辰。王十朋。
劉珙等為名臣。拔吳玠。吳璘於行間。謂韓世
忠。忠勇可倚以大事。一見劉錡。奇之。付以事
任。卒皆為名將。有成功。一時稱浚為知人。
趙鼎自江西制置使入為參知政事。高宗諮
以當世人才。鼎曰。臣所知者荆門朱震。學術
深博。廉正守道。士之冠冕。使位講讀。必有益
於陛下。帝乃召之。擢為祠部員外郎。

史浩孝宗朝拜相。喜薦人材。嘗擬陳之茂進職與郡。帝知之。茂嘗毀浩。帝曰。卿豈以德報怨耶。浩曰。臣不知有怨。若以為怨。而以德報之。是有心也。莫濟狀王十朋行事詆浩尤甚。浩薦濟掌內制。帝曰。濟非議卿者乎。浩曰。臣不敢以私害公。遂除中書舍人。兼直學士院。待之如初。

元竇默。世祖時初拜命名。奏對皆稱旨。不令暫去左右。世祖問今之明治道者。默薦姚樞。即

召用之

崔斌性警敏多智慮世祖嘗命安童舉漢人
識治體者一人安童舉斌入見數陳時政得
失曲中宸慮帝幸上都嘗召斌斌下馬步從
帝命之騎因問為治大體今當何先斌以任
相對帝曰汝其為我舉可為相者斌以安童
史天澤對帝默然良久斌曰陛下豈以臣猥
鄙所舉未允公議有所惑歟今近臣咸在乞
采輿言陛下裁之帝允其請斌立馬颺言曰

有旨問安童為相可否。衆驩然呼萬歲。帝悅。遂以二人並為相。

王慶之至元中為淮東按察副使。按行至海寧州。時臧夢解知州事。剛直廉慎而學問淵奧。在官門無私謁。政平訟簡。為諸州縣最。乃舉夢解才德兼備。宜擢清要以展所蘊。而御史臺亦以夢解廉能抗章薦之。後累官至廉訪使。為元名臣。

哈散相仁宗辭職。帝不允其請。益堅。帝詰之。

曰。朕任卿未專邪。曰。非。曰。近臣有撓政者邪。曰。無有也。然則何為而辭。對曰。臣自揆才薄。恐誤陛下國事。若必欲任臣。願薦一人為助。帝問為誰。朕能從汝請。哈散再拜謝曰。臣願得張思明。思明居官勤政。帝即日召思明拜中書叅知政事。未幾陞左丞。

月赤察兒順帝至元初為宣徽使。時朝廷以湖廣行省西連諸番。南接交趾。延袤數千里。其間土沃人稠。思得賢方伯往撫安之。月赤

察兒舉哈剌哈孫以為行省平章事。凡八年。
威德交孚。洽于海外。及入為丞相。天下稱賢。
世以月赤察兒為知人。

五倫書卷之二十八